

Un principiu d'annata di carne magra

"Aspettemu sempre a stagione incù impazienza, assicureghja Cécile Capelli. Manghjemu i zini ma dinù a carne o u figatellu arrustiti à u focu. Mi pare chì simu di più in più numerosi à andacci. Ghjè u nostru locu di scontru inguernile."

Per piscà ci volenu pani di cionfata contr'à u fredu, un paghjù di guanti, di spechjetti di mare, una culatella è una cascina o una musetta per arricoglie li. Basta dopu à apre l'ochji.

"Quandu era zitellu, pudiamu andà tutti i mesi chì cuntenu una R, vale à dì di set-

Ancu sè u curallu un hè tandu fattu quist'annu, una zinata ferma una stonda di piacè sempre accompagnata di bastelle è di vinu biancu. A tradizione un perde fiatu.

tembre à aprile, spieca Michel Pireddu, un piscadore passionatu. Oghje a stagione hè più corta ma accade chì u prefettu la ralonghi."

A lege privede una pesca massima di 24 zini per persona.

Controlli di a gendarmeria marittima accadenu à spessu. I pescadori prufezionali ne ponu arricoglie di più, sin'à 500 dodecine a simana, vendute 5 € a dodecina chjosi è 7 € a dodecina aperta.

Ma quist'annu, pare chì i zini un sò tanti carnuti.

"Seranu forse più belli in fine di stagione, scumette Michel. U fattu ch'elli sianu pieni o vioti dipende assai di u marosulu. Quandu u mare hè forte, un ponu micca manghjà è si viotanu. Per truvà li belli carnuti, ci vole un perudu longu di mare calmu. Tandu si. Perché chi casti ci hè pocu à magna."

U curallu di i zini hà torna più di trè mesi per cresce avanti di a chjuvitura di a pesca, u 15 d'aprile.

JEAN-FRANÇOIS PACELLI
calvi@corsematin.com



Una dodecina di zini si compra ind'è u cummerciu à 5€ chjosi è 7€ aperti. Per i prufessionali, a limita di pesca hè fissata à 500 dodecina ogni settimana.



Cullegli è amichi di l'ospidale d'Aiacciu prufittanu di u sole di ghiennaghju per fà campà a tradizione di a zinata. A pesca hè sempre seguitata d'una merendella. / PHOTOS JEAN-FRANÇOIS PACELLI



Michel Pireddu è Sandrine Delorme intraccia di smezà i zini incù un paghjù di trisori nant'à a spiaggia in Albitreccia. Senza guanti, ci vole à fà pianu d'un pizzicà sì.